

# Kòd konduit ak plan sekirite pou distri

---

Depatman Edikasyon Vil Nouyòk (New York City Department of Education, NYCDOE) pran angajman pou garanti lekòl nou yo se anviwònman ki gen sekirite, sennesof epi ki gen lòd kote ansèyman ak aprantisaj fèt chak jou. Yon lekòl ki gen sekirite ak ankourajan depann de efò tout manm kominote lekòl la—pwofesè, elèv, responsab, paran, konseye, travayè sosyal, estaf sekirite, founisè sèvis ki ede ak andikap (Related services), estaf kafeterya, gadyen ak estaf otobis—pou trete yonn lòt ak respè.

Lòd ak sekirite nan lekòl leta yo ak ozalantou yo enpòtan pou kreye anviwònman aprantisaj kote elèv ka satisfè nòm akademik elve, edikatè ka anseye nan nivo nòm sa yo, epi paran ka gen garanti pitit yo ap aprann nan yon anviwònman sennesof ak pozitif.

Lwa eta a egzije pou NYCDOE kreye yon plan sekirite pou tout distri ki gen ladan yon plan global pou vil la pou konsidere jesyon ijans ak entèvansyon pou lè gen pwoblèm ak yon kòd konduit ki gen ladan yon kòd disiplin. Anplis, yo egzije pou chak lekòl kreye yon plan sekirite onivo bilding lan ki fikse pwosedi sekirite pou bilding, tankou kontwòl vizitè, evakyasyon elèv ak lòt pwosedi ijans ki espesifik pou lekòl. Plan sekirite distri Vil Nouyòk la tabli ak dekri regleman ak pwosedi depatman edikasyon pou kenbe yon anviwònman aprantisaj ki gen lòd tankou kòman sistèm lan reponn zak vyolans oswa lòt aktivite kriminel, kòman sistèm lan kontakte ak avèti paran ak lapolis ak ki estrateji yo mete anplas pou dekouvri konpòtman vyolan ak amelyore kominikasyon pami elèv ak ant elèv ak estaf lekòl.

Kòd konduit NYCDOE a gen ladan atant sou konpòtman tou Vil la pou kore aprantisaj elèv Dokiman sa a gen ladan kòd entèvansyon ak disiplin elèv, ansanm ak lwa sou dwa ak responsablite elèv, K-12yèm ane. Kòd konduit la gen ladan pwosedi pou avèti paran ak lapolis pou vyolasyon kòd la.

Seri bagay sa yo souliye eleman enpòtan ki nan Plan sekirite distri DOE a ak kòd konduit la.

A. Regleman ak pwosedri pou garanti sekirite byennèt elèv ak estaf lekòl. Pami yo genyen :

1. Regleman pou reponn menas ak zak vyolans oswa konpòtman kriminèl;
2. Yon deskripsyon estaf sekirite lekòl la tankou trening ak fòmasyon;
3. Pwosedri pou avèti otorite lapolis ki apwopriye, paran ak kominote lekòl la sou krim oswa lòt ka ijans ki rive nan lekòl la;
4. Yon deskripsyon estrateji pou prevansyon ak entèvasyon ki disponib pou elèv ak paran.

B. Regleman ak pwosedri pou reponn menas ak zak kriminèl

Responsab lekòl yo dwe mete yo pre pou reponn menas oswa zak kriminèl, depi nan agresyon fizik rive nan nan menas bonb. Regleman Chanselye (CR) a ak regle yo fikse pwosedri pou avèti lapolis sou ensidan ak krim ki rive nan lekòl, krim elèv, anplwaye lekòl komèt oswa sou ijans medikal ki genyen. (gade dokiman enpòtan ki ba a).

C. Rechèch pwosedri

Konstitisyon an bay elèv yo dwa pou pou yo pa fouye ni sezi afè yo san rezon valab. Yo ka fouye yon elèv ak bagay li sèlman si responsab lekòl la gen dout ki ki valab ki fè li kwè fouy la ap bay prèv ke elèv la vyole oswa ta sanble vyole lalwa oswa nòm disiplin depatman an. Limit ak enpòtans fouy la dwe gen rezon ki gen rapò ak objektif fouy la epi li pa dwe chita twòp sou laj ak sèks elèv la ni kategori vyolasyon an. CR A-412 ak CR A-432 rezime pwosedri pou fouye elèv, bagay yo genyen ak lockers yo.

D. Sekirite estaf lekòl

An septanm 1998, Depatman edikasyon, Chanselye a ak Vil Nouyòk te siyen yon akò pou aplike yon pwogram nan tèt ansanm ant DOE ak Depatman polis Vil Nouyòk *New York City Police Department* (“NYPD”), kote zafè sekirite estaf lekòl ta pral responsablite NYPD. Dapre yon akò ant DOE ak Vil Nouyòk, se NYPD ki chwazi, antrene, repati ak evalye estaf sekirite lekòl ki nan sistèm lekòl leta Vil Nouyòk.

Dapre akò a, ofisye seksyon sekirite lekòl Polis Nouyòk (*School Safety Division*) k ap dirije a se li ki responsab pou prepare plan repatisyon resous sekirite lekòl la. Lè l ap pran responsablite sa a, l ap konsidere bagay sa yo:

- Popilasyon lekòl la

- Bezwen espesyal popilasyon an
- Plan ak efektif lekòl la
- Kritè enspeksyon
- Estaf pedagojik la
- itilizasyon ajan sekiirite lekòl la
- Eta krim lokal yo
- Konsekans sou lekòl zòn lan
- Kantite krim nan lekòl la

#### E. Plan sekirite onivo bilding lekòl

Dapre CR A-414, chak lekòl dwe tabli yon ekip sekirite nan lekòl la nan objektif pou kreye yon plan sekirite lekòl onivo bilding lan. Plan an dekri rantre nan bilding lan ak pwosedi pou kontwòle vizitè ak lòt bagay ankò; Estrikti responsab lekòl la, travay sekirite ak orè; pwosedi pou enkonji; sistèm kominikasyon pou ijans tankou non ak nimewo telefòn estaf lapolis ki apwopriye; ak pwosedi pou evakyasyon pou tout elèv paegzanp elèv ki gen limit nan deplasman. Chak plan dekri wòl ekip pou bay repons nan bilding lan ak trening pou konsidere tout pwotokòl repons pou elèv ak estaf. Chak plan onivo bilding tabli pwotokòl pou reponn nan ka ijans tankou pwodui danjre ki tonbe atè, enkonji, menas bonb, sitiasyon priz otaj oswa fiziyad; si pou yo evakye, mete an sekirite oswa fèmen tout moun anndan. Plan onivo bilding lan dwe konsistan avèk yon fòm plan sekirite Office of Safety and Youth Developmenty kreye a epi yo dwe revize l chak ane. Dapre lwa edikasyon eta a, plan repons nan ka ijans onivo bilding lan dwe konfidansyèl ni yo pa ka devwale l.

#### F. Avi pou paran

Menas pou komèt yon zak vyolans nan yon lekòl afekte tout kominote lekòl la. Si gen menas oswa vyolans, responsab lekòl la dwe prepare pou kontakte ajans lapolis ki apwopriye epi avèti kominote lekòl la san delè, espesyalman paran timoun ki nan lekòl la. Regleman Chanselye a ak regleman DOE ak pwosedi ki fikse pou avèti paran(gade dokiman enpòtan ki pi ba yo).

#### G. Estrateji pou disiplin ak entèvansyon

Atant sou konpòtman tou Vil la pou kore aprantisaj elèv ke yo rele (the “Discipline Code”) (<http://schools.nyc.gov/RulesPolicies/DisciplineCode/default.htm>) gen ladan Entèvansyon elèv ak Kòd disiplin lan ansanm ak Lwa sou dwa ak responsablite elèv, K-12yèm ane. Dokiman sa a ankouraje konpòtman elèv ki responsab ak yon anviwònman ki gen diyite ak respè nan tabli

prensip pou ede elèv konprann nòm konpòtman ke y ap atann tout elèv respekte ak konsekans ki genyen si yo pa respekte yo. Li gen ladan divès mezi disiplin ak entèvansyon lekòl yo ka itilize pou pini move konduit.

Nou atann pou chak lekòl ankouraje yon vi ak yon klima lekòl pozitif ki ofri elèv yon anviwònman ankourajan kote pou yo fè pwogrè ni onivo akademik ni onivo sosyal. N ap atann pou lekòl yo ofri elèv pakèt sipò pou yo gen bon konpòtman sosyal, epi bay yo divès sipò pou bon konpòtman ak bonjan opòtinite pou aprantisaj sosyemosyonèl.

Manm estaf lekòl yo responsab pou abòde move konpòtman elèv ki deranje aprantisaj. Yo atann pou responsab, pwofesè, konseye ak lòt estaf lekòl yo angaje tout elèv nan estrateji entèvansyon ak prevansyon ki konsène pwoblèm konpòtman epi pale sou yo ak elèv la ak paran l.

Yo rezime estrateji pou entèvansyon yo nan kòd disiplin lan. Metòd entèvansyon ak prevansyon yo ka gen ladan yo sipò pou konsèy ak sèvis pou konsidere sitiyasyon pèsònèl ak sitiyasyon familyal; aprantisaj sosyal/emosyonèl, tankou rezolisyon konfli/medyasyon/negosyasyon ant elèv, mezi pou koreksyon, jesyon kolè, jesyon estrès, ak/oswa ladrès kominikasyon; itilizasyon lòt materyèl edikatif ak/oswa lòt metòd; sèvis enrichment; lòt plasman nan klas; ak/oswa devlopman oswa revizyon evalyasyon sou konpòtman ak plan entèvansyon sou konpòtman ke yo ta dwe kreye ak/revize kòm yon estrateji pou entèvansyon byen bonè.

Atravè itilizasyon estrateji pou entèvansyon ak prevansyon ki angaje elèv epi ki ba yo yon sans objektif yo, manm estaf lekòl la fasilite pwogrè akademik ak sosyemosyonèl elèv yo epi yo ede yo respekte regleman ak prensip lekòl la.

Nan salklas la, pwofesè yo itilize divès teknik akademik ak konpòtman pou reyalize yon anviwònman aprantisaj maksimòm. Ekip entèdisiplin ki gen ladan estaf sipò tankou konseye pedagogik ki nan chak lekòl. Ekip sa yo rankontre regilyèman pou envante ak aplike estrateji pou rezoud pwoblèm espesifik elèv ki "riske" yo rankontre.

## Dokiman enpòtan

Dokiman enpòtan sa yo se Plan sekirite lekòl ak kòd konduit distri a:

- [Atant sou konpòtman tou Vil la pou kore aprantisaj elèv \(Discipline Code\) ak Kòd disiplin lan ansanm ak Lwa sou dwa ak responsablite elèv, , K-12yèm ane.](#)
- [Regleman Chanselye A-411 rediksyon/entèkansyon pwoblèm konpòtman ak kontakte 911](#)
- [Regleman Chanselye A-412 sekirite nan lekòl](#)
- [Règleman Chanselye A-413, itilizasyon telefòn selilè ak lòt aparèy elektwonik anndan lekòl](#)
- [CR A-414 Plan sekirite](#)
- [Regleman Chanselye A-418 Avètisman pou agresè seksyèl](#)
- [Regleman Chanselye\(Chancellor’s Regulation, CR A-420 Pinisyon kòporèl](#)
- [CR A-421 Abi vèbal](#)
- [Regleman Chanselye A-432 Fouy ak sezi](#)
- [CR A-443 Pwosedi pou disiplin elèv](#)
- [Regleman Chanselye A-450 pwosedi pou transfè envolontè](#)
- [CR A-750 Abi sou timoun](#)
- [CR A-755 Prevansyon/entèkansyon pou suisid](#)
- [CR A-830 Pote plent entèn kont diskriminasyon/arasman ki ilegal](#)
- [Regleman Chanselye A-831 Arasman seksyèl ant kamarad](#)
- [Regleman Chanselye A-832 Arasman, entimidasyon ak/oswa agresyon ant elèv](#)
- [Lwa sou dwa ak responsablite paran](#)

### Plan sekirite onivo bilding lekòl

Dapre CR A-414, chak lekòl dwe tabli yon ekip sekirite nan lekòl la nan objektif pou kreye yon plan sekirite lekòl onivo bilding lan. Plan an dekri rantre nan bilding lan ak pwosedi pou kontwole vizitè ak lòt bagay ankò; Estrikti responsab lekòl la, travay sekirite ak orè; pwosedi pou enkonni; sistèm komunikasyon pou ijans tankou non ak nimewo telefòn estaf lapolis ki apwopriye; ak pwosedi pou evakyasyon pou tout elèv paegzanp elèv ki gen limit nan deplasman. Chak plan dekri wòl ekip pou bay repons nan bilding lan ak trening pou konsidere tout pwotokòl repons pou elèv ak estaf. Chak plan onivo bilding tabli pwotokòl pou reponn nan ka ijans tankou pwodui danjre ki tonbe atè, enkonni, menas bonb, sitiyanasyon priz otaj oswa fiziyad; si pou yo evakye, mete an sekirite oswa fèmen tout moun anndan. Plan onivo bilding lan dwe konsistan avèk yon fòm plan sekirite Office of Safety and Youth Developmenty kreye a epi yo dwe revize l chak ane. Dapre lwa edikasyon eta a, plan repons nan ka ijans onivo bilding lan dwe konfidansyèl ni yo pa ka devwale l.

## Dokiman enpòtan

Dokiman enpòtan sa yo sipòte Plan sekirite lekòl onivo bilding:

- [Règleman Chanselye \(Chancellor’s Regulation , CR A-414\)](#)
- [Gid paran sou sekirite lekòl](#)